

新
唐
書

三四

新

書

書

三

周王鄧陳劉趙二楊顧列傳第一百十六

唐書一百八十六

宋祁奉

教

撰

周寶字上珪平州盧龍人曾祖待選爲魯城令安祿山反率縣人拒戰死之
祖光濟事平盧節度希逸爲牙將每戰得攻魯城者必手屠之歷左舊善大
夫從李洎以徐州歸天子又懷義通書記擢累檢校工部尚書天德西城防
禦使以徙城事不爲宰相李吉甫所助以憂死寶藉蔭爲千牛備身天平節
度使昭愬嘗爲懷義參軍寶竊從之爲部將會昌時選方鎮才校入宿衛與高
駢皆隸右神策軍歷良原鎮使以善擊毬俱補軍將駢以兄事寶寶彊毅未
嘗詘意於人官不進自請以毬見武宗稱其能擢金吾將軍以毬喪一目進
檢校工部尚書汪原節度使務耕力聚糧二十萬斛號良將黃巢據宣歙徙
寶鎮海軍節度兼南面招討使巢聞出采石略揚州僖宗入蜀加檢校司空
時群盜所在盤結柳超據常熟主殺據崑山王騰據華亭宋可復據无錫寶
練卒自守發杭州兵戍縣鎮判八都石鏡都董昌主之清平都陳晟主之於
替都吳文舉主之鹽官都徐及主之新登都杜稜主之唐山都饒京主之富
春都文禹主之龍泉都凌文舉主之中和二年進同中書門下平章事兼天
下租庸副使封汝南郡王寶和裕喜接士以京師陷賊將赴難益募兵號後

樓都明年董昌據杭州柳超自常熟入睦州刺史韋諸殺之四年餘杭鎮使
陳晟攻諸諸以州授晟寶子璵統後樓都屠殺不能取軍部伍橫肆寶亦稍惑
色不卹事以壻楊茂實爲蘇州刺史重斂人不聊田令孜以趙載代之茂實
不受命寶表留不聽乃殘邪署汙垣牖去詔以王蘊代載載留潤州初鎮海
將張郁以擊越事寶光啓初劇賊剽掠山寶遣郁領兵三百戍海上郁醉而
叛王蘊謂州兵還休不設備郁遂大掠蘊嬰城守寶遣將拓拔從討定之郁
保常熟因攻常州刺史劉軍迎降衆稍集寶遣將丁從實督兵致之郁走海
陵依鎮遏使高霸從實遂據常州及董昌從義勝軍節度使寶永制擢杭
州都將錢鏐領州事宣州賊李君旺陷義興守之是時右散騎常侍沈誥使
至江南負田令孜勢震暴州縣嗣襄王下令搜令孫黨寶收誥及趙載殺之
高駢領鹽鐵辟寶子佶爲支使寶亦表駢從子在幕府駢爲都統寢不礼寶
寶銜之帝在蜀淮南絕貢賦謾言道斬西爲寶剽阻帝知其誣不直駢自是
顯隙駢出屯東塘約西定京師寶喜將赴之或曰高氏欲圖公地寶未信駢
遣人請會金山謀執寶寶答曰平時且不聞境上會況上蒙塵宗廟焚辱寧
高會時耶我非李康不能爲人作功勳欺朝廷也駢遣人切讓寶亦詬絕之
會部將劉浩刀頤與度支催勘使太子左庶子薛勔叛寶方寢外兵格闔火

照城中寶礮出諭曰爲吾用則吾兵否則寇也六州皆我鎮何往不適乃自
青陽門出奔士大掠官屬崔綰陸鏐田倍皆死浩奉卽領府事實至奔牛埭
駢饋以壅葛諷其且亡也寶抵于地曰公有呂用之難方作無謂我卽奔常
州依丁從實召後樓都無一士至者錢鏐遣杜稜成及攻薛卽稜子建徽攻
從實聲言迎寶擊破賊君旺取船八百艘遂圍常州從實奔海陵鏐具橐鞬
迎寶舍樟亭未幾殺之不淹月而駢爲畢師鐸所囚寶死年七十四贈太保
鏐以杜稜守常州文德元年拔潤州劉浩亡不知所在執卽剖其心祭寶使
阮結守潤州楊行密殺高霸而張郁丁從實皆死初黃巢平時溥遣小史李
師悅上符璽拜湖州刺史昭宗時遷忠國軍節度使董昌反師悅連和與鏐
有隙而結好於行密女仁義次潤州復助之乾寧三年卒子繼徽代以地附
行密其將沈攸謂不可繼徽乃奔揚州陳晟據睦州十八年死弟詢代立畏
鏐忌已因徐綰亂與田頔通鏐割桐廬隸杭州詢遂絕鏐攻成溪鏐使方永
珍擊詢天祐元年行密遣將闕咥陶雅救之執鏐弟鎰大將王求顧全武等
未幾鏐將楊習攻婺州詢乃奔楊渥渥以金師會守之及鏐破衢州師會走
鏐取其地

王處存京兆萬年人卅藉神策軍家勝業里爲天下高貴父宗巧射利侈靡

自秦儻千人以此奮累除檢校司空金吾大將軍遙領興元節度使處存自
右軍鎮使歷檢校刑部尚書定州制置使累遷義武節度使黃巢陷京師處
存號哭不俟詔分麾下兵二千間道至山南衛乘輿外約王重榮連盟進屯
渭橋而涇州行軍司馬唐弘夫亦屯渭北詔處存檢校尚書右僕射督戰俄
拜東南面行營招討使中和二年授京城東面都統每痛國難未夷語輒流
涕軍中多處存義愈爲之用素善李克用又故婚好遣使十輩曉譬迎勸卒
共平京師王鐸差與復功以勤王舉義處存爲第一收城破賊克用爲第一
遷檢校司空復出兵三千屬大張公慶會諸軍捕巢泰山滅之進檢校司徒
同中書門下平章事田令孜討王重榮徙處存節度河中上書言重榮有大
功不可改易搖諸侯之心不納趣上道軍次晉州刺史冀君武閉門不內而
重榮拒詔處存臨事通便宜有大將風幽鎮兵悍馬彊其地執也而易定介
於其間侵軼歲至及李匡威得志謀并取之處存善脩鄰驩內撫民有恩痛
折節下賢協穆太原以自助遠近同心歲時講兵與諸鎮抗無能侵軼者累
加侍中檢校太尉卒年六十五贈太子太師謚曰忠肅三軍迹何朝舊事推
子郃由副使爲留後昭宗從之累拜節度使加檢校司空同中書門下平章
事又進太保光化三年朱全忠使張存勗攻幽州以瓦橋寧遼道和溝關部

方與劉守光厚乃畀叔直兵擾其尾令騎將甄瓊章以義豐而存斂游弈騎已至且戰且引十餘里執瓊章而氏叔琮下深澤執大將馬少安圍祁州屠之斬刺史楊約休兵十日處直壁沙河存斂軍河北挑戰處直不出涉河乃戰處直大敗亡大將十五士死者數萬存斂收械甲以賦戰士而焚其餘遂圍定州郅斬親吏梁汶移書存斂且請盟俄而外郭陷郅以其族奔太原使處直主留後全忠亦至處直辟曰弊邑事上未嘗不忠事鄰未嘗不礼弗虞君之見攻也全忠責何故事克用荅曰太原藉兄弟之舊修好往來常道也君苟為罪請改圖全忠許之處直以從孫為質上所持節即獻絹三十萬具牛酒犒師存斂取成而還全忠表處直為節度留後檢校尚書左僕射郅至太原克用表為檢校太尉卒處直字允明天復初為太原郡王

鄧勣字冲韞邵州龍潭人少從江西人閔頊防秋安南中和元年還道潭州遂觀察使李裕召諸州戍校徇曰天下未定今與君等安護州邑以待天子命若何衆稱善乃推頊為留後諷諸朝僖宗方在蜀遣使者撫慰當是時撫州刺史鍾傳據洪州議者欲二盜相噬即復置鎮南軍擢頊節度使頊悟不受命更為檢校尚書右僕射欽化軍節度使以勣訥為邵州刺史即州武陵人雷滿者本漁師有勇力時武陵諸蠻數叛荆南節度使高駢擢滿為裨

將將鎮蠻軍從駢淮南逃歸與軍人區景思獵大澤中嘯天命少年千人署
伍長自號即團軍推滿爲帥景思爲司馬襲州殺刺史崔耆詔授朗州兵馬
留後歲略江陵焚廬落劫居人俄進武貞軍節度使先是陝溪人周岳與滿
狎因獵宰肉不平而鬪訟殺滿不克見滿已據州悉衆趨衡州逐刺史徐顥
詔授衡州刺史石門峒酋向瓌聞滿得志亦集夷獠數千屠牛勞衆操長刀
拓弩寇州縣自稱朗北團陷潭州殺刺史呂自牧自稱刺史顥既殭大且治
人有恩哀徐顥窮率兵納之向瓌召梅山十峒獠斷邵州道顥掩其營周岳
羸軍誘戰顥憤伏中故大敗淮西將黃皓殺顥岳聞亂以輕兵入潭州自稱
欽化軍節度使處訥聞之哭諸將入弔處訥曰與君等荷僕射恩若合一州
之兵問周岳罪奈何衆曰善於是礪甲訓兵積八年結雷滿爲援攻岳斬之
自稱留後昭宗詔拜武安軍節度使不三日會劉建鋒馬殷兵至攻澧陵處
訥遣邵州豪傑蔣勛鄧繼崇率兵三千斷龍回關勛以牛酒犒師殷說勛曰
劉公勇智絕人術家言當興翼軫間公精兵十萬攻必下戰必克收敗衆以
餉軍公哀鄉兵扞關殆矣不如下之富貴可得也勛謂然又其下畏建鋒虐
夜棄甲走建鋒至關曰此天意也盡用邵旗鎧趨潭州守者以爲勛軍納之
旣入處訥方宴執而殺之建鋒許勛賞未及行遣請弗許勛怒率鄧繼崇攻

湘鄉取邵州進壁定勝武安建鋒使殷督諸將擊之殷大敗走江許鄉人夏侯陟教殷以奇兵出迪田踰澗山據江爲壁伏兵千恭誘勛度江勛見士未陣爭出鬪殷分兵襲其壁麾纓江軍夾擊勛大敗拔定勝一壁進圍邵州未下而建鋒死殷代爲節度使勛請和不許卒禽勛斬之是時道州蠻酋蔡結何庾衡人楊師遠各據州叛宿人曾景仁從黃巢爲盜至廣州病不能去以千騎留連州衆飢從蔡結求糧乃相倚杖與州戍將黃行存誘工商四五千入據連州郴人陳彥謙殺刺史董岳發官帑募士自稱都統勝兵四千零陵人唐行晏乘巢亂脅衆自防盜永州殺刺史鄭蔚與景仁合從數遣謀殷虛實完壘自守殷遣將李瓊攻永州殺行晏李瑋攻道州蔡結約峒獠爲援久不勝謀曰蠻所持林數耳乃屯大川伐山焚林獠驚走城陷執蔡結何庾殷斬之李瓊出來陽常寧攻郴州陳彥謙出戰軍亂不能陣斬彥謙進圍連州曾景仁棄城守三日不下夜焚其門入之景仁自刺死瑒字公謹滿字秉仁岳字峻昭行晏字昌圖滿不脩飭每宴使客抵寶器潭中曰此水府也蛟龍所憑吾能沒焉乃裸入水俄取器以出累遷檢校太尉同中書門下平章事天復元年卒子彥威自立間荆南節度使成汭兵出襲江陵入之焚樓船殘墟落數千里無人跡弟彥恭結忠義節度趙匡疑以逐彥威據江陵匡疑弟

臣明擊之還走朗州

陳儒江陵人卅爲牙右職廣明元年以鄭紹業爲荆南節度使時朗州刺史段彥謩方據荆南紹業憚之踰半歲乃至僖宗入蜀召紹業還行在以彥謩代節度彥謩與監軍朱敬玫不平謀殺之敬玫覺先率兵入其府彥謩方寢拔劍縋城奔親軍壘不得入彥謩曰而等負我俄見言親屬僚佐皆死敬玫以少尹李燧爲留後且誣彥謩以罪帝遣中人似先元錫王魯琪慰撫密戒曰若敬玫可誅誅之以爾代而魯琪爲副敬玫盛兵出迎元錫等不敢發而還復詔鄭紹業爲節度使逗留不進敬玫署儒領府事明年遷檢校工部尚書爲節度使進檢校右僕射敬玫有悍卒三千號忠勇軍暴甚儒不能制初紹業將申屠琮率兵五千援京師旣歸儒告以忠勇桡琮請除之大將程君從聞之率衆奔澧州琮追斬百餘人軍乃潰已而琮復領軍雷滿三以兵薄城儒厚啖以利乃去淮南將張瓌韓師德據復岳三州自署刺史儒請瓌攝行軍司馬師德攝節度副使共擊滿師德兵上峽大略去瓌引兵逐儒儒將奔行在旣又却還囚之環滑州人暴勇而殘荆故將夷戮幾盡時以楊玄晦代敬玫監軍召敬玫還成都懼帝治前罪稱疾自解前此數殺大將富商故積賄每曝衣紉繡不可計瓌見心動遣卒賊之敬玫衣黃衣盜刺其腹死

秦宗言來寇馬步使趙匡欲奉儒出環覺之殺匡而絕儒食七日死環固壘
二歲樵蘇皆盡米斗錢四十千計杯而食號為通腸疫死者爭啗其尸縣首
于戶以備饌軍中申鼓无遺夜擊闔為警宗言不能下乃解去二年宗權遣
趙德諱攻環環求救於歸州刺史郭禹禹率峽州刺史潘章解圍明年德諱
又至諸將困于戰城遂陷環死人无識者併尸于井復州長史陳瑋從環至
江陵密斷環首置囊中走京師獻之授安州刺史

劉巨容徐州人為州大將龐勛之反自拔歸授埔橋鎮遏使浙西突陣將王
郢反攻明州巨容以筒箭射郢死拜明州刺史徙楚州團練使黃巢亂淮
授蘄黃招討副使徙襄州行軍司馬檢校右散騎常侍巢據荆南俄遷山南
東道節度使以扞巢屯團林江西招討使曹叡與巨容守荆門關與賊戰
巨容偽北巢追之伏與林樾間賊大敗執賊將十三人轉閬一舍虜獲不可
計巢浮江東奔巨容追之率十俘八以功遷檢校礼部尚書諸將欲乘勝追
斬巢巨容止曰朝家多負人有危難不受惜官賞事平即忘之不如留賊為
富貴作地諸將謂然故巢復熾及陷兩京巨容合諸道兵討之授南面行營
招討使累兼天下兵馬先鋒開道供軍糧料使檢校司空封彭城縣侯巨容
明更治時僖宗在蜀公鄉多因巨容護赴行在山南西道節度使鹿晏弘為

禁軍所逐引麾下東出襲鄧秦宗權遣趙德誼宴弘兵攻襄州巨谷不能
守奔成都始揚州人申屠生能化黃金高駢客之爲呂用之所譖奔襄漢
駢遣吏捕得生見巨谷自言其術巨谷留不遣因令孜之弟道襄州巨谷出
金夸之及在蜀匿生使術不得傳令孜恨之龍紀元年殺巨谷夷其宗生并
死巨谷部將馮行襲者均州武當人以謀勇稱里中中和初鄉豪孫喜聚衆
數千人謀攻城行襲伏士江隩以單舟迎喜曰州人思得將軍久矣願將軍
兵多必剽掠若留衆江北以輕騎進我爲鄉導城可下喜信之既度江吏出
迎伏甲興行襲擊喜斬之衆皆潰行襲乘勝逐刺史呂燁據均州巨谷因表
爲刺史帝在蜀均之右有長山當襄漢貢道有劇賊據險劫獻物行襲平之
武定節度使楊守忠表爲行軍司馬使領兵隘谷口以通秦蜀鳳翔李茂貞
養子繼孫據金州行襲攻之昭宗即授金州防禦使時山南西道節度使
楊守亮將襲京師道金商行襲迎戰破之就擢戎昭軍節度使朱全忠盡殺
翔神策中尉韓全誨遣中人二十輩督江淮兵過其州行襲方附全忠盡殺
之收詔書送全忠天祐二年王建遣將王恩綰攻行襲敗其兵州大將金行
全出降行襲奔均州建以行全爲子更名宗即授觀察使以崇邑開三州隸
之宗即不能守焚郭邑去全忠以行襲不足禦建遣別將屯金州行襲議徙

戎昭東於均州以金房爲隸全忠以金人不樂行襲以馮恭領州罷防禦使而發戎昭軍

趙德諱蔡州人從秦宗權爲君將以討黃巢功授申州刺史光啓初與秦誥鹿宴弘合兵攻襄州節度使劉巨容奔成都宗權假德諱山南東道節度留後進攻荆南未收寶壽留裨將王建肇守之遺人纔數百室明年歸州刺史郭禹來討建肇納之奔黔州德諱失荆南又度宗權必敗舉地附朱全忠全忠方爲蔡州四面行營都統即表以自副加忠義軍節度使宗權平加中書令封淮安郡王平子匡凝嗣字光儀由唐州刺史自爲山南東道節度留後昭宗即授節度使不三年以威惠聞累遷檢校太尉兼中書令匡凝矜嚴盛飾前後持鑑自昭全忠之敗清口匡凝與奉國節度使崔洪河東李克用淮南楊行密約合兵攻全忠會方城鎮遣使度軫奔全忠發其謀全忠移書切責使氏叔琮攻唐州刺史趙匡璠降進圍隋州執刺史趙匡璠斬首五千級拔鄧州執刺史國湘匡凝懼乞盟全忠使親將陳俊王紳入叔琮軍崔洪留之紳亡歸洪與行密欲邀友恭軍不克會河東客伊超使淮南還過蔡洪亦留之因是并俊送全忠以部將苛拘爲解遣兄賢入質全忠還之質洪子於汴全忠使賢調蔡卒二千出戍將行大將崔景思不悅殺賢洪懼驅民趨申

州遂奔行密麾鼓冒百餘里武昌杜洪邀之弗及蔡士多亡去從者纔二十人天祐元年封匡凝為楚王時諸道不上供唯匡凝歲貢賦天子全忠方圖天下遣人諭止之匡凝流涕曰吾為國昇翰渠敢有他志副使王筠勸絕全忠全忠怒出兵攻之弟匡明大破汴軍於鄧州因勸匡凝與王建連和及荆南成納敗匡凝取江陵表匡明為荆南節度留後有詔拜檢校司徒荆南節度行軍司馬全忠以其兵分圖也乃使楊師厚攻匡凝自將中軍繼之屯臨漢匡凝遣客謝囚不遣敗荆南救兵俘其將全循江而南師厚繇陰谷伐木為梁匡凝以兵二萬頻江戰大敗乃燔州單舸夜奔揚州行密見之曰君在鎮輕車重馬輸於賊今敗乃歸我邪筠自殺全忠以師厚為山南東道節度留後遂趨江陵匡明亦謀奔淮南子承規諫曰昔諸葛兄弟分仕二國若適揚州是自取疑也匡明謂然乃趨成都王建待以賓禮授武信軍節度使分其衆為崇義勇義順義廣義武四都全忠遂有荆南

楊守亮曹州人本姓些言名亮與弟信俱從王仙芝為盜亮身長七尺餘色如鐵仙芝死又事徐唐苦劫剽洪饒二州楊復光平江西得其兄弟養為假子以信養於弟復恭家曰守亮守信復恭收京師守亮以戰多拜山南西道節度使檢校太保守信興平軍節度使並同中書門下平章事復恭又以假子

守貞為龍劍節度使守忠為武定軍節度使守厚為綿州刺史初朱玫取興鳳州號州刺史滿存以兵赴行在復收二州昭宗擢為感義軍節度使累檢校司徒同中書門下平章事與復恭四假子及利閬觀察使席儔等共攻王建軍已圍楊晟分軍逼守厚軍未成列而敗先是守貞守忠聞建兵出拔衆奔綿州并力共攻東川弗勝建將華洪以兵萬人壁綿州之郊敗守忠守厚二人分道行收兵趨閬州始復恭敗依守亮而鳳翔李茂貞郾軍王行瑜鎮國韓建等共勅守亮納叛人請以鎮兵討之茂貞自為興元節度使以書誚責宰相帝為削守亮官爵因詔茂貞問罪滿存來救不克以衆入興元茂貞拔興鳳洋三州破守亮於西乘勝入興元復恭挾諸假子及存奔閬州洪進圍之帝以徐彥君帥鳳翔以興元授茂貞茂貞不肯拜帝乃以其子繼密為興元節度使俄而洪拔閬州守亮等皆挺身走將北奔太原趨商山飢甚丐食于野為邏戍所縛見韓建守亮視建左右八百人皆常隸已語建曰此屬吾養之素厚无一為我死公无費衣食不如殺之建許諾復曰公幸貸我俾生見天子陳先人功萬有一不死建檻車送京師吏縛以帛內絙于口帝御延喜樓問反狀守亮不得語頷而已左右白服罪即執獻太廟斬獨柳下梟于市守厚死巴州麾下兵多歸王建存奔京師為左武衛大將軍

楊晟不詳宗系隸鳳翔軍節度使李昌符畏其勇欲殺之妾周嬭使亡去隸
神策軍爲都校僖宗在陳倉郾寧朱玫遣萬騎合昌符追行在乃擢晟感義
軍節度使檢校司空守太散關攻兵攻關晟數卻戰潘氏遂大敗内外无固
志帝更徙興元晟西奔攻取興鳳二州晟襲文州逐刺史據成龍茂等州王
建攻成都田令孜以晟故將與連和假威戎軍節度使守彭州晟擊建无功
引還且畏建圖已乃約山南西道節度使楊守其兄弟合謀拒建掠新繁焚
漢州又攻東川顧彥暉爲建兵所逐建使王宗裕率騎五萬圍晟食四郊麥
掠民資產晟假子實騎八千降於建建以奇兵襲楊守厚等皆亡去晟開
門夾戰大敗遂約降建饋十羊晟曰以我爲机上肉乎不出建築壘用道屬陣
以入斬晟首晟有二子其子名懷雖城中食尽無叛者初昌符死晟得其妾
周母事之周請爲妻晟固辞旦夕問省乃視事愛將安師建者勇而有礼既
就執建顧曰爾報楊司徒足矣能從我乎謝曰司徒誓同死生不忍復戴日
月三謂不回乃戮之

顧彥朗彥暉者豐州人竝爲天德軍小校其使蔡京以兄弟有封侯相每厚
礼之使子贈資稍稍進秩黃巢亂長安率軍同復京師彥朗遷累右衛大
將軍光啓中擢拜東川節度使檢校太保同中書門下平章事至劍門陳

敬瑄使吏奪其節彥朗不得入保利州敬瑄誣劾彥朗擅興兵掠西境僖宗
下詔申曉講和乃得到軍署彥暉漢州刺史初楊守亮急壁州刺史王建凶
暴欲逐之建聞合溪洞豪酋取閬州擊利州刺史走即據二州守亮不能制
彥朗與建雅舊陰助資饒建攻成都彥朗挾憾與并力道路朝梗敬瑄告
難于朝帝詔和解又敕李茂貞鑄諭會彥朗卒彥暉自知留後明年爲節度
使中人送節爲綿州刺史楊守厚所留守厚發兵攻梓州彥暉告急于建建
使李簡救之戒曰賊破并取彥暉無須再往也簡破守厚軍彥暉辭疾不克
取建素有吞噬心以彥朗與婚姪久未忍及彥暉則交好愈疏而境上關賊
相替詭建怒景福元年遂攻彥暉彥暉請救於楊守亮遣楊子彥戍梓執建
大將王宗弼彥暉責曰王公何以見討君爲大將不諫云何宗弼謝罪即解
縛使就館帶幕衾服皆具更養焉子改名琛明年建將華洪破綿州守厚走
得彥暉節時詔已進彥暉檢校司空東川節度使矣乾寧二年昭宗在石門
督彥暉建赴行在建率兵二十萬次綿州即劾彥暉劫輜運回襲之彥暉不
敢出但遣人塞建舟路建遂輟去已閬蓬渠通果龍利八州帝遣中人爲兩
川宣諭協和使建奉詔還而兵不解彥暉謀害因大略漢眉資簡守州李茂
貞亦欲爭其地使子興元節度使繼密引軍救彥暉以窺東川四年華洪率